



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Ascensus Moysis in montem Seu De Oratione Tractatus Tribus Stationibus ac vijs Purgatiua Illuminatiua Vnitiua distinctus**

**Crombecius, Johannes**

**Avdomari, 1618**

Præfatio.

**urn:nbn:de:hbz:466:1-38133**

P R A E F A T I O .

**I**Nter mortales, orandi, meditando, contemplandoque normam vnus Moyses, exemplo, verbo, scriptoque nobis eximie praeuit, edidit, atque consignavit. Multa ei diuinitus praesidia data. Vitate ex matris utero, ex aquis, ex domo Pharaonis, singulari providentia, regendo Dei populo, utque summi numinis interpres domesticus, & (si ita placet) secretarius, & ut denique amicus esset, destinatus. Loquebatur ei Dominus, non modo per aenigmata, vel litteras, aut internuntium, sed sicut amicus, & quidem familiaris ad amicum suum. Amantissimus Domini habitabit confidenter in eo. Quasi in thalamo, tota die morabitur, & inter humeros illius requiescet. Quid enim frequentius in eius libris, quam de recurso ad tabernaculum Domini auditur? Ad colloquium cum Deo dum vocatur, ei rubus apparet ardens, etsi incombusus, quem ut accedat, calceum e pede detrahit; ex animo, quidquid animale, caducum ac terrenum est, deponit. Ex hoc consortio admiranda producit portenta. Pharaonem cum exercitu in mari sternit; Amalecitas debellat; Deo irato & populum prava-ricatorem perdere volenti, manus quodammodo ligat, & brachium extentum ne percutiat, impedit. Quid? Quod ex conversatione cum Deo, vultu ita radijs collustrato apparuerit, ut populus Israeliticus non potuerit in eum oculos intendere? Accedit, eumque virtutibus, qua muneri tanto exercendo famu-

Deuter.  
33. 12.

ē

lan-

lantur, egregie fuisse praeditum. Erat enim summe mansuetus, atque perturbationibus, quae lucem quietemque ab animo eripiunt minime obnoxius. Parum sane idonei ut cum Domino in tabernaculo versentur, qui inquieti, turbati, intractabiles sunt, & perpetuis animi affectionibus agitantur. Moyses famulus Domini mortalium omnium suavissimus fuit. Huic laudi suffragabatur singularis animi dimissio: ardens in Deum caritas, animus sincerus & rectus: ad labores indefessus atque invictus. Plura cernere licebit in figura quam in praesentiarum explicandam mystice suscepimus. In hac Moyses quidquid de oratione dici potest, complectitur, tamque graphice atque opposite ut nihil, quod ad naturam orationis, eius partes, fructusque eximios spectat, praetermississe videatur.

In tres partes rem totam dividemus. Prima continebit ea, quae ad viam purgativam; secunda, quae ad illuminativam; tertia quae ad univiam pertinent.

Hic, incipientes ad munus orationis parantur, proficientes progressum faciunt. Qui perfectioris aliquid nacti sunt, subsidij non parum ac solatij accipiunt.

Quia verò singula verba amplissimam scribendae dicendaeque copiam suppeditant, verba textus pro titulis, aut capitibus usurpabimus: etsi ij ampliores campos ad excurrendum contineant; per sectiones, clarioris methodi gratia, conceptus partiemur.